

**ხელშეკრულება №82**  
**სახელმწიფო შესყიდვის შესახებ**  
(CPV 15800000- სხვადასხვა საკვები პროდუქტები)

ქ.თბილისი

19 დეკემბერი, 2012 წელი

ერთის მხრივ, სსიპ საქართველოს მეცნიერებათა ეროვნული აკადემია (შემდგომში შემსყიდველი) წარმოდგენილი მისი პრეზიდენტის მოადგილის-ადმინისტრაციული აპარატის უფროსის ფელიქს კალანდარიშვილის სახით და მეორეს მხრივ, შპს „გრანდი“ (შემდგომში მიმწოდებელი) წარმოდგენილი მისი დირექტორის მამია მაჩაიძის სახით, ორივე ერთად წოდებული როგორც „მხარეები“, ვმოქმედებთ, რა საქართველოს კანონმდებლობის შესაბამისად და ვდებთ წინამდებარე ხელშეკრულებას „სახელმწიფო შესყიდვების შესახებ“ საქართველოს კანონის მე-3 მუხლის I ნაწილის „ს“ ქვეპუნქტის თანახმად, გამარტივებული შესყიდვის საშუალებით შემდეგზე:

**1. გამოყენებული ტერმინების განმარტება**

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „შემსყიდველი ორგანიზაცია“ (შემდგომ შემსყიდველი) ნიშნავს ორგანიზაციას (დაწესებულებას), რომელიც ახორციელებს შესყიდვას.
- 1.3. მიმწოდებელი ნიშნავს იურიდიულ ან ფიზიკურ პირს, რომელმაც შემსყიდველთან გააფორმა ხელშეკრულება სახელმწიფო შესყიდვის შესახებ.
- 1.4. „ხელშეკრულების ღირებულება“ ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.5. „დღე“, „კვირა“, „თვე“ ნიშნავს კალენდარულ დღეს, კვირას, თვეს.

**2. ხელშეკრულების საგანი**

- 2.1. წინამდებარე ხელშეკრულებით მიმწოდებელი მიაწვდის შემსყიდველს ინვოისში ჩამოთვლილ ტკბილეულს (შემდგომში საქონელი), (CPV კოდები: 15820000-ორცხობილა და ხრაშუნა ნამცხვრები, 15840000-კაკაო, შოკოლადი და საკონდიტრო შაქარი), ხოლო შემსყიდველი ვალდებულია მიიღოს აღნიშნული საქონელი და გადაიხადოს მიწოდებული საქონლის ღირებულება;
- 2.2. მისაწოდებელი საქონლის დასახელება, რაოდენობა და ფასი მითითებულია ინვოისში (დანართი 1), რომელიც შეადგენს ამ ხელშეკრულების განუყოფელ ნაწილს.

**3. შესყიდვის ობიექტის ხარისხი**

- 3.1. მომწოდებელი ვალდებულია მიაწოდოს ხარისხიანი საქონელი შემსყიდველს. შემსყიდველის მიერ წუნის გამოვლენის შემთხვევაში, მიმწოდებელი ვალდებულია შემსყიდველის წერილობითი შეტყობინებით დადგენილ ვადებში მოახდინოს წუნის გამოსწორება.

**4. მიწოდების ვადები და ადგილი**

- 4.1. შესყიდვის ობიექტის მიწოდების ვადა – 2012 წლის 19 დეკემბრიდან ა.წ. 28 დეკემბრამდე (შემსყიდველის მოთხოვნიდან ერთ დღეში);
- 4.2. შესყიდვის ობიექტის მიწოდების ადგილი – ქ. თბილისი.

**5. ხელშეკრულების ღირებულება**

- 5.1. ხელშეკრულების საერთო ღირებულება შეადგენს 1294 (ერთიათასორასოთხმოცდათოთხმეტი) ლარს, ინვოისის თანახმად (დანართი 1);
- 5.2. ხელშეკრულების ღირებულება შეიცავს მიმწოდებლის ყველა ხარჯსა და საქართველოს კანონმდებლობით გათვალისწინებულ გადასახადებს;
- 5.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

**6. შესყიდვის ობიექტის მიღება-ჩაბარების წესი**

- 6.1. საქონლის მიღება-ჩაბარება განხორციელდება, შემსყიდველისა და მიმწოდებლის უფლებამოსილი წარმომადგენლების მიერ მიღება-ჩაბარების აქტის გაფორმებით;
- 6.2. საქონელი მიწოდებულად ჩაითვლება მხოლოდ მიღება-ჩაბარების აქტის გაფორმების შემდგომ.

## 7. მხარეთა უფლება-მოვალეობანი

- 7.1. შემსყიდველი და მიმწოდებელი მოქმედებენ საქართველოს კანონმდებლობის სრული დაცვით;
- 7.2. შემსყიდველის უფლება-მოვალეობანი:
  - 7.2.1. ვალდებულია მიიღოს საქონელი და გადაიხადოს მისი ფასი, ამ ხელშეკრულებით განსაზღვრული პირობებით;
  - 7.2.2. წერილობითი ფორმით დაუყონებლივ აცნობოს მიმწოდებელს მიწოდებულ საქონელზე წუნის აღმოჩენის შესახებ;
  - 7.2.3. მიწოდებული საქონლის საფასურის გადახდა განახორციელოს ამ ხელშეკრულების 8.2. პუნქტით დადგენილი წესით.
  - 7.2.4. უფლება აქვს განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე;
  - 7.2.5. უხარისხო საქონლის აღმოჩენისას, შემსყიდველს უფლება აქვს მოსთხოვოს მიმწოდებელს შემსყიდველის მხრიდან დამატებითი ხარჯების გარეშე მიაწოდოს ახალი უნაკლო საქონელი.
- 7.3. მიმწოდებლის უფლება-მოვალეობანი:
  - 7.3.1. მიმწოდებელი ვალდებულია შემსყიდველს გადასცეს უნაკლო საქონელი, წერილობითი მოთხოვნიდან ერთ დღეში, მხარეთა მიერ შეთანხმებულ ადგილზე;
  - 7.3.2. ნაკლის აღმოფხვრასთან დაკავშირებული ხარჯების ანაზღაურება ეკისრება მიმწოდებელს;
  - 7.3.3. უფლება აქვს მოსთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

## 8. ანგარიშსწორების ფორმა და გრაფიკი (ვადები)

- 8.1. ანაზღაურება განხორციელდება უნაღდო ანგარიშსწორებით, ლარებში, ამ ხელშეკრულებით გათვალისწინებული მიმწოდებლის საბანკო ანგარიშზე;
- 8.2. 5.1. პუნქტში აღნიშნული თანხის გადახდა მოხდება მიღება-ჩაბარების აქტის გაფორმებიდან არა უგვიანეს 5 (ხუთი) დღისა;
- 8.3. ანაზღაურების ადგილია ქალაქი თბილისი.

## 9. მხარეთა პასუხისმგებლობა ხელშეკრულების პირობების დარღვევისას

- 9.1. თითოეული მხარე ვალდებულია, აუნაზღაუროს მეორე მხარეს თავისი ქმედებით მიყენებული ზიანი საქართველოს კანონმდებლობით დადგენილი წესით.

## 10. ფორს – მაჟორული სიტუაციები

- 10.1. მხარეები არ არიან პასუხისმგებელნი თავიანთი ვალდებულებათა სრულად ან ნაწილობრივი შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა: წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ამასთან, ისინი უშუალო ზემოქმედებას უნდა ახდენდნენ ხელშეკრულების შესრულებაზე;
- 10.2. მხარე, რომელსაც შეექმნა ფორს-მაჟორის გარემოება, დაუყონებლივ აცნობებს ამის შესახებ მეორე მხარეს.

## 11. ხელშეკრულების მოქმედების ვადა

- 11.1. წინამდებარე ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2012 წლის 31 დეკემბრამდე.

## 12. ხელშეკრულების ინსპექტირების პირობები

- 12.1. შემსყიდველი უფლებამოსილია განახორციელოს ინსპექტირება მიმწოდებლის მიერ სახელმწიფო შესყიდვების შესახებ ხელშეკრულებისა და აღნიშნული ხელშეკრულების საფუძველზე მიწოდებულ საქონელზე, რომლის მიზანია მისი შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 12.2. ინსპექტირების შედეგად გამოვლენილი ნებისმიერი ნაკლის აღმოფხვრასთან და ხელახალ ინსპექტირებასთან დაკავშირებული ხარჯების ანაზღაურება ეკისრება მიმწოდებელს, ამ ხელშეკრულებითა და საქართველოს კანონმდებლობით დადგენილი წესის შესაბამისად.

## 13. ხელშეკრულებაში ცვლილებების შეტანა

- 13.1. ნებისმიერი ცვლილება წინამდებარე ხელშეკრულებაში განხორციელდება წერილობით ორივე მხარის უფლებამოსილი წარმომადგენლების ხელმოწერით.
- 13.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

#### 14. ხელშეკრულების შეწყვეტა

14.1. თითოეული მხარე უფლებამოსილია შეწყვიტოს წინამდებარე ხელშეკრულების მოქმედება, თუ მეორე მხარე ვერ უზრუნველყოფს თავისი ვალდებულებების შესრულებას, ან მოქმედი კანონმდებლობით დადგენილ სხვა შემთხვევებში. აღნიშნულის თაობაზე მეორე მხარეს უნდა ეცნობოს წერილობით 2 (ორი) დღით ადრე.

14.2. ერთერთი მხარის მიერ წერილობითი შეტყობინებისა შესაბამისად ორივე მხარის შეთანხმების საფუძველზე.

#### 15. დავები და მათი გადაწყვეტის წესი

15.1. მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას მხარეთა ერთობლივი მოლაპარაკებების საფუძველზე, ხოლო შეუთანხმებლობის შემთხვევაში, ნებისმიერ მხარეს შეუძლია მიმართოს სასამართლოს.

#### 16. სხვა პირობები

16.1. წინამდებარე ხელშეკრულებით გაუთვალისწინებელი პირობები რეგულირდება საქართველოს კანონმდებლობით;

16.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე;

16.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით;

16.4. წინამდებარე ხელშეკრულება შედგენილია 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმოწერ მხარეებთან (ერთი პირი მიმწოდებელთან და ორი პირი შემსყიდველთან).

#### შემსყიდველი

სსიპ „საქართველოს მეცნიერებათა  
ეროვნული აკადემიის“ პრეზიდენტის  
მოადგილე-ადმინისტრაციული აპარატის  
უფროსი

ფელიქს კალანდარიშვილი

*ფ. კალანდარიშვილი*  
რეკვიზიტები

მისამართი: ქ.თბილისი, რუსთაველბს №52

ტელ/ფაქსი: 998891, 996142.

ს/კ №203851536,

სს „ლიბერთი ბანკი“

ბანკის კოდი: LBRTGE22

ა/ა GE80LB0121115150495000



#### მიმწოდებელი

შპს „გრანდის“

დირექტორი



რეკვიზიტები

მისამართი: ქ.თბილისი, სოფელი დილომი

ტელეფონი: 538783

ს/კ №205076665,

სს „პროკრედიტ ბანკი“ ბ/კ MIBGGE22, ა/ა  
GE48PC0203600100010124